

مجموعه ابو الضیاء

ماسوا شایسته شدن دلی تطهیر و پالاش
بر تو حکمت و عرفان الهی توره آتش

علوم و معارفدن بحث ابدی. و هر ماه عربی ابتدا سیه اون بشده نشر اولور مجموعہ درین

عدد ۲۳ - جلد ۲ [۱۵ شعبان سنه ۱۲۹۹ [نفعده سی ۳۱ عروشن

شعره مخصوص بعض فنون وار ایسده شاعرك مادهسی برفن دكلدر .
 بناء علیه ترقیسی تلاحق افكاره احتیاج کوسترمز .
 بالعكس الك بیوك شاعرل منسوب اولدقلری ملتدره ادبیاتك ابتداسیله
 برابر ظهور ایده ككشلردر؛ عربده اصحاب معلقات؛ یونانده اوهر؛ لایسنده
 ویرزیل، اسپانیاده سروانتر، انگلترهده شكسپیر، فرانسهده قورنی، مولیر
 آلمانیاده كوته كبی .
 ثانیاً، ولو شعرك ترقیسی تلاحقه محتاج اولسون؛ رودكیك هر
 وزنده هر نوع شعر سوتیسی ایرانده كندندن اول شاعرك كلكیكنه دلالت
 ایتمز. چونكه معلوم عالیلری اولدیغی وحتی مقدمهده دخی بیان بیوردیغی
 اوزره اوزان عجم عروض عربدن مستعاردر . رودكینك زمان ظهورنده
 ایسه عربك عروضی تدویس اوتمشیدی . مشار الهك معرفتی كندی لسانی
 اوزره عربك اشعارینه اوزان وحتی صنایعیله تقلیددن عبارت اولیور .
 بوقدر مزیت ایسه برصاحب قطننت ایچون نه دن محال اولسون ؟
 تلاحق افكار و شایع ادواره احتیاج کوسترسون .

(مابعدی یكری دردیجی جزوده)

سفر اطلک صورت اعدای

قدیم یونانیلرده اعدامنه حکم اولئان اكابر میدان سیاستنده و جلاد
 ایله اعدام ایدلیهرك، سم هلاهل یعنی زهر سریع التأثير ایله تسیم ایتلك
 احكام قانونیهدن ایدی . چونكه اكابرك ناس آرمسنده كرك خلافیکیرانی
 و كرك طرفدارانی بولنه ییلهجکی كبی حكما ایله رجال عسکریه دخی
 علی الاكثر محبت عامیه مظهر اوله كلسدیکی جهنمه بوکبی ذواتك ملاه
 ناسده اعداملری محظوردن سالم کوریلهمزدی بوندن طولانی ایدی که
 اعظامدن بری حکومته تحت محاکمه به آنسه جق اولسه كندی خانهسی

نفسسته محبس اتخاذ ایدیلیر؛ و اعدای لازم کلدکده دخی زهره مراجعت
اولنوردی. ایشه بوجه دن اوله رق، سقراطک صورت اعدائی شاگردی
اولان افلاطون بر اثرنده وجه آتی اوزره روایت ایتشد:

« وقت تسمیم تقرب ایلدیکنی قریتون (*) جزم ایتمه سیله سقراطک
یاننده او طور مقده اولان اوغلنه طیشاریه چیمق قلعنی اشارت ایلدی.
چو جوق هیچ برشی آکلام سزین مجرد اولنان اشارته اطاعت ایچون
طیشاری چیمق سنی متعاقب اشراب زهره مأمور اولان آدم النده بر قبحان
ایله ایچری کیردی.

سقراط مأمورک الندن طو تدیغی حالده « عزیزم! بوکبی اجرا آنده
یک چوق مجریه لر کنز سبق ایتش اوله جغندن، نه بولده حرکت لازم
کلیرسه آتی تعریف ایتمه کزی رجا ایدرم » دیدیکنده مأمور « هیچ تلاش
ایسته مز دوستم! بالکنز ایچر ایچمز کزنمکه باشلاملیسکنز اووقته قدرکه
دیرلر کزده مانع خطوه اوله جق اغرقی حاصل اوله. بو حالده ایسه همان
فراشکنزه التجا ایتک اقتضا ایدر. زیرا بو حال روحک بدنه وداع ایتک
اوزره اولدیغنه دالدر. » سوززیه مقابله و النده طو تدیغی قبحانی دست
سقراطه تودیع ایلدی. سقراط کاسه زهری فرط سکیتله آله رق، ایچنه
باققدن صکره، « بومایع حقننده رأیکزن نه در؟ بوک دخی بر معناد بر
مقدارینی « لیبه سون » ایچون خا که ریزان ایتک جائز میدر؟ » (**)
دیه سؤال ایلدیکنده، مأمور « ازاله حیاته کفایت ایده جک قدر ازیشدر. »
جوابی وردی:

سقراط تکرار مأموره خطاب ایله « بعد الوفات سعادت ابدیه
نائلیت ایچون معبدده تضرعده می مساعده یوقدر؟ » دیهرک، قبحانی
آغزینده کونوروب، بر قطره قالمق سزین و قطعاً ایر کلیمزین ایچدی.

(*) قریتون سقراطک تلبیزلندن در.
(**) یونانیلر اصابت عینه اوغراماق ایچون هر ایچدکاری شیک بر مقدارینی
له دافع البلا یا نامه ریزان ایدرلر ایدی.

او آنه قدر جریان ایدن احواله فرط حیرتله نگران اولان حضار
 بردنره فریاد و بکایه آغاز ایلدی . هله بو حال بکا جمله دن زیاده تأثیر
 ایلدیکندن، اللرمی یوزومه طوته رق، ایچقره ایچقره آغلامغه باشلادم .
 قریتون ایسه فرط تأثرندن اللریله باشنه اورمقده و اظهار فزع ایلکده
 ایدی . بوحالیزی کمال حیرتله مشاهده ایدن حکیم، لطیف برصدا ایله
 « دوستلرم نه اولیورسکمز ؟ بن ایسه کریه و فغان ایتسونلر ایچون
 نسوانی حانه دن صاومشدم . سز آنلرک بریندی قائم اولدیکز ! دنیاده
 هرکیم اولورسه اولسون مادام که چاشنی سنج زهرابه عمت اوله جقدر؛
 بناء علیه قطعاً تأثر حاصل ایتدیرک فرط تسلیمتله و داع عالم ایتلیدر . چاره سی
 اولیان برشی ایچون اسفک عبث اولدیغنی بیلیرسکمز . او حالده فریاد
 و بکادن فارغ اولمکزی آرزو ایدرم .» دیمه سیله مشارالیهک اشو نصایحی
 الک یوک کلمات تسلیمت آیتدن زیاده تأثیر ایدهرک جمله من صوصدق .

آرهدن برقاچ دقیقه مرورنده سقراط آیاقلرینک آغرلشدیغنی حس
 ایتکله یتاغنه چکلدی . بو آراق مأمور مومی الیه آیاقلریله دیزلرینی
 معاینه ایله برابر آیاغنک اوزرینه قوتلی باصه رق درجه حسنی سؤال
 ایلدی . سقراط ایسه هیچ برشی طویمدیغنی افاده ایتدی . و دیزلرندن
 یوقاریسنی دخی معاینه ایله وجودک قسم کلیسی صوغومش اولدیغنی
 بیان ایلدی .

سقراط تأثیر سمی کندیسی دخی حس ایلش اولدیغندن، همان
 قلبنه نفوذ اوزره اولدیغنی و بناء علیه ترک عالم فنیایه برشی قالمیدیغنی
 افاده و قریتونه خطاب ایله (اسقولاپاسه برخروس نزر ایتش ایدم .
 ایفا ایتکی درعهده ایدرمیسکمز ؟ » دیو ایتدیکی سؤاله قریتون « الک
 مقدس وظیفهم اولسون » سوزیله مقابله ایتسنی متعاقب سقراط کوزلرینی
 سمایه رفع ایدهرک تسلیم جان ایلدی .